

全唐文紀事

全唐文紀事卷十六

原任翰林院編修 國史館纂修 實錄館提調 武英殿協修陳鴻墀纂

褒寵一

開州蠻首冉肇則反靖率兵八百襲破其營高祖甚悅
謂公卿曰朕聞使功不如使過李靖果展其效因降璽
書勞曰卿竭誠盡力功效特彰遠覽至誠極以嘉賞勿
憂富貴也又手勅靖曰既往不咎舊事吾久忘之矣四
年靖又陳十策以圖蕭銑高祖從之

唐書李靖傳

鄭元璫武德中以太常卿使突厥還高祖勞之曰卿在

虜庭累載拘繫蘇武弗之過也拜鴻臚卿貞觀中復使突厥說頡利引軍還太宗致書慰之曰知公已共可汗結和遂使邊庭停警烽火不然和戎之功豈止魏絳金奏之錫故當非遠

冊府元龜

太宗既平寇亂留意儒學乃於宮城西起文學館以待四方文士尋遣圖其狀貌題其名字爵里乃命亮爲之像贊號十八學士寫真圖藏之書府以彰禮賢之重也

唐書褚亮傳

鴻臚

謹案玉海褚亮有贊王覲有記蔣乂有傳

十八年與司徒長孫無忌等圖形於凌烟閣讚曰才兼

藻翰思入機神當官勵節奉上忘身

唐書房元齡傳

天策府建以爲從事中郎畫象於丹青者十有八人而

如晦爲冠首令文學褚亮爲之贊曰建平文雅休有烈

光懷忠履義身立名揚其見重如此

唐書杜如晦傳

秦府初開文學館引爲學士與房元齡等一十八人皆

蒙圖畫令文學褚亮爲之贊曰軍諮諧矇超然辯悟正

色於庭匪躬之故

唐書蘇世長傳

鴻臚

謹案本傳高祖曰卿何爲背世充歸我對曰臣

全唐文紀事

卷十六

二

智窮力屈始歸陛下向使世充尙在臣據漢南天意雖有所歸人事足爲勍敵高祖大笑嘗嘲之曰名長意短口正心邪棄忠貞於鄭國忘信義於吾家對曰名長意短實如聖旨口正心邪未敢奉詔昔竇融以河西降漢十世封侯臣以山南歸國惟蒙屯監蓋滑稽之流故有諧噓之贊謂爲正色匪躬得毋溢美

太宗手詔虞世南曰朕與如晦君臣義重不幸奄從物化追念勲舊痛悼於懷卿體吾此意爲制碑文也

唐書杜如

晦傳

婁師德以殿中充河源軍使永和中破吐蕃於白羊澗
八戰七勝優詔褒美授左驍衛郎將高宗手詔曰卿有
文武才幹故授卿武職勿辭也

大唐新語

屬文敏速每飲半酣而後操筆高宗每令作文必以金
銀杯盛酒令飲便以杯賜之

唐書胡楚賓傳

初貞觀中太宗以勲庸特著嘗圖其形於凌烟閣至是

帝又命寫形焉仍親爲之序

唐書李勣傳

兼修國史尋以修則天實錄之功賜爵扶陽縣子賚物
五百段又制撰則天皇后紀聖文中宗稱善特加銀青

光祿大夫

唐書韋承慶傳

開元六祀宅於幽朔及公既歿御撰豐碑以爲用公於是邦當革弊之舉訊彼故老徵於前事有以見聖人之情見於辭矣

孫述燕國文貞張公遺愛頌序

臣嶠言伏奉恩勅編撰攀龍臺碑文賜臣物四百段研精不優篆刻無術下帷闕蛟龍之學搦管慙鳳凰之思猥辱隆命俾圖光範戴天知跼仰大象而增迷遊聖爲言撫營魂而自失甯足以發揮一德揚摧萬分述虞后之孝思談姬文之睿業而天情不匱帝造無涯式推愛

敬之心用廣褒崇之惠披文相質本殊黃絹之詞頒賞
計勞遂承紫泥之渥荷寵惟懼瞻恩載覲祇奉之日悚
汗交馳無任慙戴屏營之至

李嶠謝撰攀龍臺碑蒙賜物表

文苑英華

大臣作頌以揚休聲銘之琬玉亦資翰墨太子鴻書則
非工身爲國本將示於後因以命之無能發揮何所謂

謝

元宗答張九齡謝太子書頌批

得所進白鳥符彩明媚助日揚輝白霧翩翻凌霜比色
況乎反哺斯重能仁是高對之有觀情不能已又覽所
進放言體物詞藻瀏亮尋繹研味披翫無厭所謂文苑

善華詞場警策也今賞卿金五挺銀十挺

元宗答張說進白鳥賦詔

太常博士孫琬將議光庭謚以其用循資格非獎勸之

道建議謚爲克時人以爲希高

蕭嵩

自上聞而特下詔賜

謚曰忠獻仍令中書令張九齡爲其碑文史官韋述以

改謚爲非論之云云

舊唐書裴光庭傳

鴻輝

謹案傳論謂正平銓藻吏能文學政事頗有深

識韋述之譏無異於陳壽之短武侯持論特爲公允

右內侍尹鳳翔宣口勅得所進鬪羊表及鄭國夫人碑

令賜卿綵羅二十四匹絹一千匹者伏以鬪羊薄技恩感

戰士之心雕蟲陋詞媿稱賢母之德効輕賞重戴厚慚

深臣子之情豈望天報

張說謝賜撰鄭國夫人碑羅絹狀

張燕公集

十二年駕又東巡璟復爲留守上臨發謂璟曰卿國之元老爲朕股肱耳目今將巡洛邑爲別歷時所有嘉謀嘉猷宜相告也璟因極言得失特賜綵絹等仍手制曰所進之言書之座右出入觀省以誠終身其見重如此

唐書宋璟傳

明皇常謂侍臣曰張九齡文章自有唐名公皆弗如也朕終身師之不得其一二此人真文場之元帥也

開元天寶

全唐文紀事

卷十六

五

遺事

鴻臚謹案容齋隨筆謂開元遺事僞托爲王仁裕撰辨其疎謬者四條此條語氣不倫尤不止如洪邁所誚矣

元宗朝張說爲麗正殿學士常獻詩曰東壁圖書府西垣翰墨林諷詩聞國政講易見天心元宗深佳賞之優詔答曰得所進詩甚爲佳妙風雅之道斯焉可觀並據才能畧爲贊述具如別紙宜各領之元宗自於彩牋上八分書說贊曰德重和鼎功逾濟川詞林秀發翰苑光

鮮其徐堅已下並有贊述文多不盡載

大唐新語

元宗至蜀每思張曲江則泣下遣使韶州祭之兼資貨

幣以恤其家其誥辭刻於白石山屋壁間

國史補

張九齡開元中爲中書令至武德初元宗在成都思九齡之先覺詔曰正大厦者柱石之力昌帝業者輔相之臣生則保其雄名歿則稱其盛德飾終未允於人望加贈實存於國章故中書令張九齡維岳降神濟川作相開元之際寅亮成功讜言定於社稷先覺合於蒼龜永懷賢弼可謂大臣竹帛猶存樵蘇必禁爰從八命之秩

全唐文紀事

卷十六

六

更重三台之位可賜司徒仍令遣使就韶州致祭者

唐大

新語

右真蹟用一尺高絹書多渴筆詞云正大厦者柱石之

力匡帝業者輔相之功生則保其雄名歿猶稱其盛德

今在其孫曲江人嶺南縣令張仲容處某官於桂林借

留半月仍以覆裹欲爲重背仲惜其印縫古紙不許九

齡神道碑亦浩書

唐彭王傅徐浩書
張九齡司徒告

海岳題跋

爲文屬思精壯長於碑誌世所不逮說嘗自爲其父碑

帝爲書其額曰嗚呼積善之墓說沒後帝使就家錄其

文行於世

新唐書
張說傳

帝後還京因校獵鄠杜間經其墓碑表未立停蹕臨視
泣然流涕詔官爲立碑令中書侍郎蘇頌爲之文帝自

書

新唐書盧
懷慎傳

蒲州童子吳豸之薄綴小篇兼記古事不稍優異無由
獎勸宜賜其父絹十匹令更習學便有成就

元宗賜蒲
州童子勅

右昨者高力士宣恩旨垂示皇太子書紀功德頌恭覽
睿跡實天人之表幼傳楷則訓叶文明春秋典學時惟
多藝鸞鳳變態入神妙而難明俾臣庸者憑篆刻而下

朽微臣之幸倍百常情無任悚戴之至

張九齡謝蒙
太子書頌狀

曲江集

二十四舉鄉貢進士考功郎李迴秀器異之曰王佐才
也遂擢高第其年舉賢良方正對策萬數公獨居第一
而兄渾亦在甲科典試官梁載言陳子昂歎曰雖公孫
龍郗不及也召見前殿拜麟臺校書郎繇是名蓋天下
乙丑歲元宗東封知頓使奏課第一賜絹二百匹嶽下
觀禮獻慶雲頌又賜絹一百匹無何徵拜左散騎常侍
上以六宮親蠶絲賜近臣公獻御絲賦又侍讌別殿賦

端午詩屢蒙錫以縑帛綵羅二十年春奉敕撰龍門公

宴詩序賜絹百匹

崔孝公陋室銘記

顏魯公集

李白於便殿對明皇撰詔誥時十月大寒凍筆不能書
字帝勅宮嬪十人侍於李白左右令各執牙筆呵之遂
取而書其詔其受聖眷如此

開元天寶遺事

唐人重告命故顏魯公自書告身今猶有存者韋述集
賢注記記一事尤著漫載於此開元二十三年十月制
加皇子榮王已下官爵令宰相及朝官工書者就集賢
院寫告身以進於是宰相張九齡裴耀卿李林甫朝士

蕭太師嵩李尚書曷崔少保琳陳黃門希烈嚴中書挺
之張兵部均韋太常陟褚諫議庭誨等十三人各寫一
通裝縹進內上大悅賜三相絹各三百匹餘官各二百
匹以唐書考之是時十三王並授開府儀同三司詔詣
東宮尚書省上日百官集送有司供帳設樂悉拜王府
官屬而不書此事

容齋
隨筆

朕以中孚及物亭育爲心凡在覆載之中畢登仁壽之
域四靈是畜一氣同和江漢爲池魚鼈咸若卿微盛典
潤色大猷能以懿文用刊樂石體含飛動韻合鏗鏘成

不朽之立言紀好生之上德唱而必和自古有之情發

於中予嘉乃意所請者依

肅宗答顏真卿乞書
天下放生池碑額批

唐代宗卽位郭汾陽爲近昵所搖懼禍之及表上自靈
武河北至於絳州兩朝所貽詔書一千餘卷家傳載其
表語其多如是又讀韋端符所撰李衛公故物記云三
原令座中有客曰李丞者衛公之冑藏文帝賜書二十
通多言征討事厚勞苦其兵事節度皆付公吾不從中
治也暨公疾親詔者數四其一曰有晝夜視公病大老
嫗令一人來吾欲熟知公起居狀權文公視此詔常泣

曰君臣之際乃如是耶新史載其事云靖五代孫彥芳大和中爲鳳翔司錄參軍以高祖太宗賜靖詔書數函上之天子悉留禁中又勅摹詔本還賜彥芳卽二事觀之唐世之所以眷禮名將相者綢繆熟復至此漢晉以來所不及也

容齋四筆

上代宗切於時政而頗倚注於台衮之臣每命相密召學士草詔及進本上輒多改注卽顧謂左右曰朕處渠等極位復以美詞褒之所冀爲朕戮力同心以成大化

杜陽

公精義入神洞究奧蹟初睿宗踐祚冥感祥符覩元期
於化元啟成命於幽教人所以伫非常之運天所以歸
億兆之心元宗時在東宮表公所言請編史冊時應令
賦詩御批札云畢公之任諒藉伊人思入風雅靈通神
鬼天子元宗東行河隄陟格獸之場開濯龍之沼停鑾上
苑留宴天泉酒酣樂過公獻賦以諷於是有采章之錫

楊炎安州刺史 文苑英華
杜公神道碑

韓昆大厯中爲制科第三等勅頭代皇異之詔下曰坐
以采輿翠籠命近臣持采仗鞭厚錫繒帛以示殊澤

南

新書

實錄興元元年四月辛丑朔臨軒授副元帥渾瑊節鉞

傳云帝臨軒授鉞用漢拜韓信故事制曰 王海
寇賊干紀授爾節鉞以戡多難往欽哉

當道監軍使李先壽迴奉宣聖旨及伏奉手詔賜臣御

製闕華光榮加於望外藻飾皆以典成仰瞻日月之文

徒荷乾坤之德拜恩闕無不照德無不容闕物推誠愛

人以禮四門載闕百揆時敘加以天闕詞鋒生闕諸於

律呂舒詞義正於典謨雖漢稱五葉魏有三祖授詞比

義何足等夷闕奉成規以柔遠豈敢言功仗神武以清

邊纔將展効

闕

臣等

闕

錄微功俯紆睿藻恩光照曜於

遐邇文

闕

倬軼於古今臣

闕

慶幸

闕

爲言非臣敢望征

闕

謫

闕

蹤歸於聖主清

闕

難陳

闕

遇於上

闕

集大績此

皆

闕

仗天威在臣何有又云宣皇風

闕

布

闕

率伏南詔

夙稟成策得以宣明豈敢貪天之功以爲微臣

闕

力

眷私又云一心奉國百慮

闕

公又云永光史策名臣

闕

一

闕

特詔皇儲發揮

闕

妙恩榮昭彰於四海文翰輝

闕

於

闕

去造期於盡命以理戎蠻

章

臯

謝

賜

御

製

紀

功

碑

臣某言某月日某至伏奉詔命以臣收復聖旨褒揚特

爲製東渭橋碑文皇太子書手詔賜臣及將士者驚拜
捧荷魂神飛越臣聞霍光戴漢輔昭立宣鄧禹佐王甯
人除暴或道扶衰運或功格皇天纔聞麟閣之圖適及
雲臺之紀未有事微賞厚用淺報崇迴辰象之天文降
明離之筆札跪捧尋繹慙惶失圖事出古今感深臣子
雖百身殞越曾未賈於片言九族隳離實難酬於一顧
臣某中謝伏惟皇帝陛下邁軒皇之武德續唐帝之文
思六義不足以財成五聲徒表於宣暢躬親庶政而睿
藻日新化洽萬方而宸章間作頃屬凶徒扇結都邑震

驚陛下克讓斯在推功勿居迴天漢之文章賜光輝於
臣下英聲茂實演奧窮微昭宣造化之情黼黻義文之
制顧乃上援彥範次述子儀此皆功贊中興道化來裔
纂循前緒陛下實紹於耿光瞻慕勲庸微臣固無其影
響此皆陛下特標文字曲降恩私激揚雅頌之風傲厲
人臣之節自家刑國垂範作程恩誠借於微臣道將周
於天下足使懷忠服義爭死節以駿奔反側危疑望皇
風而懲革史籍之所未有自此而書人臣之所未聞自
臣而始雖年踰知命筋力尙全國家西有未賓之戎東

有乘邊之寇每煩宸慮尙集王師顧此生涯未知死所
庶損微瑣之質少益覆載之仁限以戎鎮不獲奔赴闕
庭輕陳懇悃無任荷戴惶灼之極

于公異代李令公謝
手詔爲製東渭橋碑

文苑英華

天王使中使來歸我公之賄贈潞州大都督詔曰狐裘
濯冠勤固無歇閉閣留牘盡瘁有終謂公有古人之風
故貺公以古人之節傳曰知臣若於君豈虛也哉

盧虔
晉州

刺史高公
神道碑

河東之人省調給饋餼之勞歲減其賦封內相賀因中

賁人以聞願刻金石詔從其請公避名不伐懇疏方止其勞謙之詞邦人誦之此所以尊而光晦而彰者也靈武節度杜希全獻體要八章上因著君臣箴以賜之公奉表陳賀上又賜公宸扆台衡銘各一首公令男暢詣闕謝恩並請揭而書之於起義堂之側詔下優答其畧曰卿有訐謨濟代之誠保衡輔朕之志情之所尙遂飾以詞比夫盤盂自銘亦冀輔佐同德遂許刻石兼賜題額寵渥之盛冠耀當時五年九月嘗與故太尉西平王同對於別殿上曰卿二人與朕休戚是同各賜圖形麟

閣并御製文命皇太子書於閣壁至於君使臣臣事君
選賢與能之盛盡忠作憲之績煥乎天文與日月並明

矣

北平郡王
馬公行狀

權文公集

予嘗於渾氏見德宗所賜詔書金鉞雜詔數命其二奉
天詔也一曰今賜卿劍一口上至天下至泉將軍裁之
一曰今賜卿筆一管空名補牒一千紙有立功將士可
隨大小書給不必中覆如有急令馬希倩奏來朕今與

卿訣矣

畫漫
錄

改右補闕獻疏切直人爲危之及餘慶入朝憲宗謂餘

慶曰卿之令子朕之直臣可更相賀

唐書鄭瀚傳

上嘗命畫工寫貌圖於凌煙閣手製曰所謂傳神國之故事自武德至是宰輔一百八十七人登丞相左右揆

許孟容文獻公裴公神道碑銘序

鴻墀

謹案碑文殘缺所云裴公係裴耀卿

元和八年十一月壬子上命丞相召太史韓愈至政事

堂諭以田宏正忠義令撰先廟碑

玉海

元和八年癸巳春守尚書比部郎中史館修撰新史云愈數黜官又下遷乃作進學解以自喻執政覽之奇其

全唐文紀事

卷十六

古

才舊史云執政覽其文而憐之以其有史才改比部郎中史館修撰然則執政憐其數黜且以有史才故除是官非止奇其能文而遷擢之也新史務簡遂失其實時宰相武元衡李吉甫李絳也公降官制曰太學博士韓愈學術精博文力雄健立詞措意有班馬之風求之一時甚不易得加以性方道直介然有守不交勢利自致名望可使執簡列爲史官記事書法必無所苟仍遷郎位用示褒升白居易詞也答魏博田宏正書云奉十一月示問令撰廟碑碑云元和八年則此書在今冬也

韓子

年譜

鴻輝謹案韓愈奉詔爲田宏正廟碑實元和八年十一月也然此書云季冬極寒又云蒙恩改職蓋愈以九年十二月十五日遷考功郎中知制誥此書其年歲暮作也所謂十一月十二日示問者亦九年十一月也而云頃者蒙不以文字鄙薄令譔廟碑者蓋記八年事也書辭甚明又李吉甫傳載田宏正以元和九年拜檢校尙書右僕射此書所以稱僕射者此也洪氏考之不詳耳

父甯爲和州刺史以剛直不屈於廉使遂被誣奏貶泉州司戶叅軍贊奔赴闕庭號泣上訴詔御史覆問甯方得雪詔曰令子申父之寃憲臣奉君之命楚劍不衝於牛斗秦臺自洗於塵埃由是知名

唐書穆贊傳

勅從史楊幹至省所奏今月七日到潞城縣降雪尺餘兼奏耆老等詣闕請欲立碑并手疏通知劉濟本末事宜耆具悉卿分朕之憂求人之瘼時降大雪豐年表祥豈惟澤及土田將使物無疵癘休慶斯在慰望良深耆老等遠詣闕庭請立碑記尋已允許當體誠懷以旌政

能無至陳讓知卿洽比其隣翼戴爲意陳此手疏發於
血誠忠懇彌彰嘉嘆不已永言臣節何日忘之想宜知

悉

與從使詔

白氏長慶集

右中使某乙至奉宣進止賜臣某官告身一通者鳳銜
眞誥虬捧天書錦帙金牋霞光日照臣聞高宗命說乃
申納誨之詞大舜相龍爰有望讒之訓空聞簡策未煥
縑紉豈臣寵榮而足爲諭慙惶增懼進退難安

爲蕭相謝告身

狀

元氏長慶集

右今日高品劉全節奉宣進旨以臣等在院覆策畢特

加慰問并賜設及匹帛者臣等職在掌文詔令考策雖
竭鄙昧猶懼闕遺豈意皇鑒下臨聖慈曲至惠加賜食
榮及承筐寵厚縑緗仰難勝於元貺恩深醉飽退有愧
於素飡徒積慙惶何酬慶賜

謝賜設及匹帛狀

白氏長慶集

先是王廷湊請於當道立聖德碑是日內出碑文賜廷

湊

舊唐書
敬宗紀

得守義奏當道將吏等請爲卿立德政碑卿位崇庶僚
寄殷東夏扼洪河之險束當白馬之要津制機於事先
銷萌於慮表而能文武參用農戰兼修人俗載安軍政

斯理緇黃遂性耆耆樂生瀝懇陳誠飛章上請延覽休
績欣然注心今令翰林侍講學士崔郾與卿撰碑文庶
使龔黃之美無媿於前修羊杜之風豈慚於後代卿有
緝綴之美委寄之功不朽之名上下同有眷言嘉歎無
以過茲想宜知悉春寒卿比平安好遣書指不多及
賜義成軍節度使高
承簡立德政碑勅

勅承簡卿家傳韜畧門襲麾幢累受藩邦皆著勞績黎
元安集師旅知甯忠効章明聲猷暢洽頃得守義奏云
官吏將校耆老緇黃同請立碑紀卿德政非公方達於

事任惠化感於人心豈能致其懇誠固求篆刻眷言嘉
歎寤寐在懷昨遣翰林侍講學士崔郾撰述翰林待詔
徐幼文書德以庇人政以利物觀其辭理亦頗周詳將
垂不朽之名用播一時之美無慚峴首何愧色絲其碑
本故今賜往想宜知悉春暄卿比平安好遣書指不多
及敬宗賜高承簡勅

高承簡罷鄭滑節度使滑人叩闕乞爲承簡樹德政碑
內官進曰翰林故事職由掌詔學士上曰承簡功臣允
也治吾咽喉地克有善政罷而請紀八人深矣吾以師

臣之辭且寵異焉居數月魏博節度使史憲誠拜章爲
故帥田季安樹神道碑內官執請亦如前辭上曰魏北
燕趙南控成臯天下形勝地也吾以師臣之辭且慰安
焉居數月陳許節度使王沛拜章乞爲亡父樹神道碑
內官執請亦如前辭上曰許昌天下精兵處也俗忠風
厚沛能撫之吾視如臂吾以師臣之辭而彰其忠孝焉
是三者皆御札命公令刻其辭恩禮親重無與爲比

贈吏

部尚書崔 樊川文集

公行狀

鴻輝

謹案崔公卽崔郾

盧肇進海潮賦敕曰窮測海潮出於獨見徵引有據圖
象甚明足成一家之言以祛千載之惑其賦宜宣付史

館
書

卿代光棨戟寄重旌麾集勲庸於一門統兵農於四鎮
政經允洽智畧宏宣勤事累朝忠誠一貫今滑臺雄郡
白馬古津控扼洪河密邇清洛南并鄭圃旁帶潁川田
疇之詠繼聞萑蒲之徒已化國僑昔美今則嗣之眷言
休嘉每用懷想據守義所奏大將及三軍官吏僧道耆
壽百姓等感卿惠政咸請立碑翰林學士宋申錫學識

優深文詞雅贍已令撰述必盡功庸刊石旌賢庶諧朕
意想當知悉春寒卿比平安好遣書指不多及

文宗賜
義成軍

節度使涼國公李
聽立德政碑勅

裴晉公下世文宗賜御製一篇置於靈座之上

撫
言

卿勲德承家麾幢統鎮功宣武畧化洽政經軍令肅於
藩方吏理惠於黔庶芳猷克茂德業彌彰羣黎三軍上
請刊石聿垂令問以示後來眷言休嘉良多詠歎翰林
學士宋申錫文師風雅學洞典謨意欲該詳俾其纂述
勲庸真紀政術畢書足慰人心無慙峴首待詔侯丕草

隸久工便令繕寫今故賜請想當知悉秋涼卿比平安
好遣書指不多及

文宗賜
李聽勅

勅德裕卿文彰翰苑行振儒風廉察金陵六郡歌惠慈
之化統安白馬三州懷思愛之心凡所踐經理行第一
昨者段凝以轅門將校闔郡士農懇請立碑以銘德政
朕以舉善爲教所以勸不能褒賢示後所以報成績國
之彝訓莫善於斯所令禮部侍郎賈餗撰文事實頗周
詞藻甚麗故令寫錄專遣賜卿亦別賜段凝碑本庶慰
羣情想當知悉冬寒卿比平安好遣書指不多及

文宗
賜李

德裕立德政碑勅

卿鎮理方隅輯寧封畧師戎知訓黎庶保安言念事功
良深倚重德裕頃臨東郡實著政績所諭碑文撰錄已
畢故令送往宜便刊立

文宗賜
段凝勅

卿統鎮滑臺肅甯封部永言休績毗倚良深先奏請歸
融書德裕德政碑文今書畢專令宣賜

文宗又賜
段凝勅

全唐文紀事卷十六終

全唐文紀事卷十七

原任翰林院編修 國史館纂修 寶錄館提調 武英殿協修陳鴻墀纂

褒寵二

高品劉傳奉宣聖旨賜臣批示以臣所請宣示史館特
賜允從者伏以橘性不遷楚詞所載聖情封植禁蘄結
根此六合同風九州共貫之應也元宗朝種柑結實亦
是乘太平之休氣道德之仁風事協祖宗實光簡冊臣
目覩佳瑞慙無潤色之工心感元猷莫盡揄揚之美豈
謂天慈曲被特允微衷擊壤庸音獲知於皇鑒雕蟲薄

全唐文統事

卷十七

一

技謬列於青編千古光榮百生何幸

謝所進瑞橘賦
宣付史館狀

會昌一
品集

唐廣明四年十月僖宗命水部郎中王贊撰紀功碑以

賜帝十二月僖宗遣使賜帝鐵券又命翰林承旨劉崇

望撰德政碑以賜帝

梁太祖紀

舊五代史

昨日獲忝轉遷出於提獎伏知舍人次當視草曲賜褒

稱裁成五色之紛綸啟導九霄之渥澤過勞江筆潤色

堯言指頑石爲瑤瑾之流謂駑馬有驊騮之足揣循驚

感倍切肺肝

張元宴謝
草詞啟

文苑英華

鴻墀

謹案元宴昭宗朝爲翰林學士

唐鐵券二昭宗以賜陳敬瑄田令孜也券形方如半甌縱長尺餘橫廣不及二尺以金爲字今在軍資庫但金已剝落無餘字益漫滅間有不可識者敬瑄以中和三年十月受賜令孜以四年十一月受賜僖宗猶在成都明年僖宗還京師後此八年當景福六年四月二人俱爲王建所殺據新唐書蓋同日死令孜與敬瑄實斷喪唐室何功之有焉雖言受此券卒不可用天道果昭昭乎券字益就漫滅可惜錄其槩左方敬瑄券文承旨樂

朋龜作唐末之號令文章其氣象類如此也其畧曰亮
巨鼇者鼎大於滄海斬長鯨者劍倚於青天旣立異勲
克膺殊寵李晟免其十死子儀成其九功鎮以金鏞賜
其鐵券後來繼者豈在他人又曰致朕身安由卿忠盡
前封公爵後錫郡王詢於眾情未愜羣望今賜卿鐵券
舍卿十死瑄鐵券官宰臣姓名漫滅不可復識田令孜
鐵券文其畧曰人臣之績古今莫儔爵位不足以答元
勲竹帛不足以紀大節式遵盛典用表殊庸宣賜駱谷
扈從定難中興社稷功臣仍恕十死宰臣裴澈敬瑄令

孜與建罪等耳敬瑄令孜幸而不成是以建獨曰叛方
中和褻敬瑄功時日子儀曰晟不得專美於前令孜又
自有宦者來無此榮也識者謂墓石猶硿石爾無用也
鐵券其不類是乎使無一卷史書君子何無恃哉

費著
器物

譜
藝文志
全蜀

賜全忠迎鑾記功碑文立於都內全忠進助郊禮錢三

萬貫

舊唐書
哀宗紀

五代史朱梁傳曰宰相柳璨奏西京舊有凌烟閣圖畫
國初功臣今遷幸東都比未崇建四鎮副元帥梁王勲

全唐文紀事

卷十七

三

業冠古請近淩烟閣別創一新閣圖畫梁王以旌德業
詔曰魏賞彭陽之功別創紀勲之觀齊旌泗水之績乃
崇嘉德之樓式示新規爰從舊典宜令所司於皇城擇
善地別造淩烟閣圖寫賜名曰天佑旌功之閣

太平御覽

梁開平中浙民上言請爲鏐立生祠梁太祖許之令翰
林學士李琪撰生祠堂碑以賜之

舊五代史
吳越世家

亂離以來官爵過濫封王作輔狗尾續貂天成初桂州
節度觀察使馬爾卽湖南馬殷之弟本無功德品秩已
高制詞云爾名尊四輔位冠三師旣無品秩升遷難以

井田增益此要語也議者以名器假人至此賈誼所以

長歎息也

北夢瑣言

馬賓武穆王弟也武穆王建楚國改賓靜江軍節度觀

察使唐明宗制曰爾賓名尊四輔位冠三卿既非品秩

升遷難以井田增益時人以爲多溢語云

北夢瑣言以賓爲爾未詳

是非

十國春秋

起王致仕復元帥尙書令國王如故依前不名仍示安

重誨矯詔之罪敕畧曰天下兵馬都元帥尙父尙書令

吳越國王錢鏐久列王公恆輸愛戴朕方禮加元老恩

遇遠方安重誨掇綴瑕疵遽行阻絕使錢元瓘拜闕上
章傾懷請罪言皆激切事且憑虛情不可恕罪不可追

今已誅之以雪其冤故告

吳越
備史

安重榮功宣締構寄重藩維善布詔條克除民瘼遂致
寮吏僧道詣闕上章求勒碑銘以揚異績既觀勤政宜
示允俞其碑文仍令太子賓客任贊撰進

晉高祖允成
德軍請立節

度使安重榮
德政碑敕

詔贈中書令追封韓國公諡曰忠正既葬命翰林學士

陶穀撰神道碑文官為建立表特恩也

舊五代史
鄭仁誨傳

晉開運初桑維翰輔政欲圖大舉以制北方命將佐十五人皆列藩之帥也惟暉不豫其數乃上章自陳且言未老可用而制書見遺詔報云非制書忽忘實以朔方重地蕃部窺邊非卿雄名何以彈壓比欲移卿內地受

代亦須奇才暉得詔甚喜

舊五代史
馮暉傳

天福七年宰臣和凝上迴河頌賜鞍馬器帛

舊五代史
晉少帝紀

寶大二年王起玉冊金券詔書三樓於衣錦軍遣使冊

新羅渤海王海中諸國皆封其君長

十國春秋
吳越世家

徐鍇字楚金鍇凡四知貢舉號得人鍇常著質論十餘

全唐文紀事

卷十七

五

篇後主爲丹黃校定復哀已所製文命錯爲之序士以

爲榮

十國春秋

質論李後主與徐鉉書云爲爾於質論前作得一小序

子卽此論也

校正崇文總目

東觀餘論

鴻墀

謹案質論當從東觀餘論爲徐鉉作十國春秋

誤

代宗紀廣德元年七月壬子給功臣鐵券藏名於太廟
圖形凌烟閣劉幽求傳景雲二年詔賜實封銘諸鐵券
以傳其功陸贄集有賜李納王武俊安西管内黃姓鐵

券文

王海

同諸公觀唐張九齡等誥於玉堂其詞曰門下春秋之義尙重卿才王國克禎莫先相位用增其命必正其名中奉大夫守黃門侍郎同中書門下平章事宏文館學士賜紫金魚袋上護軍裴耀卿正議大夫中書侍郎同中書門下平章事集賢院學士副知院事兼修國史賜紫金魚袋上柱國曲江縣開國男張九齡經濟之才式是百辟正議大夫檢校黃門侍郎賜紫金魚袋上柱國李林甫泉源之智迪惟前人旣樞密載光而親賢稱首

審能羣會所蒞有孚甯惟是日疇咨故以多年厯選國
鈞緊賴邦禮克清宜命曰鼎臣置之廊廟耀卿可銀青
光祿大夫守侍中學士勲封如故九齡可銀青光祿大
夫守中書令學士知院事修國史勲封如故林甫可銀
青光祿大夫守吏部尙書同中書門下三品勲封如故
主者施行開元二十二年五月二十七日上用尙書吏
部之印凡五顆制可下傍作細字書某月日某時都事
某左司郎中光以後細銜相臣與部官同列去姓而名
名作大字署曰尙書左丞相曰金紫光祿守尙書右丞

相集賢院學士修國史上柱國徐國公嵩曰吏部尙書
上柱國武都縣開國伯嵩曰朝請大夫檢校吏部侍郎
上柱國豫曰吏部侍郎曰朝議大夫守尙書左丞賜紫
金魚袋挺之後書年月日印同前後稍下以細銜書銀
青光祿大夫守中書令集賢院學士知院兼修國史上
柱國曲江縣開國男臣張九齡宣曰中書侍郎曰朝議
大夫中書舍人內供奉集賢院修撰上柱國臣徐安貞
奉行復作高行細銜曰銀青光祿大夫守侍中宏文館
學士上柱國臣耀卿曰黃門侍郎曰朝請大夫給事中

內供奉臣昱等言復大字與銜平頭書制書如右請奉
制付外施行謹言復大字與前平書告銀青光祿大夫
守中書令集賢院學士知院事兼修國史上柱國曲江
縣開國男張九齡奉被制書如右符到奉行自告字已
下作五行用印二十九顆唯制字上空後上與前平頭
書郎中憚下細字書主事懷琛令史王烈書令史姚元
開元二十二年五月二十一日下印同前用告用柿黃
斗底綾作卷凡七幅上下約一尺或者謂曲江與林甫
通作一告除拜以鸞臬並集驚驥同阜爲嫌予曰帝堯

在上咎夔與驩同列恐自昔有所未免正在明君別其賢否用與不用耳然唐自開元後九齡竟罷而相林

甫治亂之分於斯已見矣二月壬戌題唐李紳拜相

後有

徽宗御書跋

門下興化致理必資作礪之功納誨弼違實賴

將明之效苟非材標人傑道茂時宗蘊經濟之宏規積巖廊之素望則何以光我注意允於具瞻其惟至公式舉成命淮南節度副大使知節度事管内營田觀察處置等使銀青光祿大夫檢校尙書右僕射兼揚州大都督府長史御史大夫上柱國贊皇縣開國男食邑三百

戶李紳氣稟清剛體含冲用抱金石之正性挺松桂之
貞姿識達古今慮周微隱詞源濬發洞學海之波瀾智
刃高揮森武庫之矛戟中立不倚方嚴寡徒長慶一朝
委遇斯極入參禁密出總紀綱王猷多潤飾之能邦憲
著肅清之稱洎領版圖之任尤彰均節之宜而又寵辱
靡驚得喪齊致河洛留神明之政浚郊恢將帥之謀威
令播於軍戎豪黠屏迹憲綱洽於封部疲羸息肩俗變
阜安人知禮義日嘗以高第換彼雄藩當淮海之要衝
控舟車之都會風望並峻僉諧莫踰朕虔恭寶圖夢寐

良輔爰膺審象果副虛求爾宜踐台席之崇嚴司中樞
之密勿外以底綏華夏內以勤恤黎元視同列猶填篲
期君臣如魚水無使仲山補袞獨見美於周詩汲黯匡
時常推高於漢史祇率訓典往惟戒哉可守中書侍郎
同中書門下平章事散官勳封如故主者施行會昌二
年二月十二日年月日上下凡用印五顆其文卽尙書
吏部之印傍近下細銜書中書令次右僕射兼中書侍
郎同平章事臣珙宣奉次中書舍人臣孔溫業行復作
高行與告文齊細銜曰侍中次司空兼門下侍郎平章

事臣德裕次給事中臣泰章等言作大字與細銜齊制書如右請奉制付外施行謹言會昌二年二月日印文同前大字平書制可下細書月日時都事左司郎中復作高行與制可齊書細銜曰吏部尚書次吏部侍郎次尚書左丞已上皆闕後大書與銜平頭曰告銀青光祿大夫守中書侍郎同中書門下平章事上柱國贊皇縣開國男食邑三百戶李紳奉被制書如右符到奉行自告字至行字用印一十九顆全空制字後復平書司勳郎中判懿下細銜曰書主事次張宏亮次令史楊溫次

書令史會昌二年二月日下印同前徽宗御跋云恭讀
太祖皇帝實錄載僞蜀李昊自言紳之後仕孟昶至司
空趙國公方昶與江南通好時遣其臣趙季札使景季
札回得李紳唐武宗朝自淮南節度使入相告以遺昊
昊欲誇詫其事結綵爲樓置告於中朝服前導盡呼聲
妓雜奏歌樂迎歸私第卽將相大臣宴飲仍以絹帛二
千疋謝季札詳閱告文正昊所詫之告也然自武宗逮
今三百年苟人以忠諒功業聞於時有不必金石而堅
者可不勉哉因節文以載其實先儒論漢人大綱正節

目不備唐人大備而純正謂此等制耳秋澗云

玉堂嘉話

維天佑三年歲次丙寅九月辛亥朔十五日乙丑皇帝
若曰惟后法天以降命式協無私惟臣體國以垂功迺
興厥后周裂宗盟之士漢封子弟之邦非劉或論於諸
儒同姓亦譏於太史疇庸懋賞是曰能君顧茲渺躬實
屬艱運允賴元勲廓清寰宇勤勞夙著憫予怠荒開創
箕裘保我王嗣舉同心協力者無虛日推祕畧宏謀者
無間時伊別疏封以昭馭貴況江山右地吳越名區百
維則前朝舊都會稽乃夏后遺趾宜旌社土以統藩維

咨爾定亂安國功臣鎮海鎮東等軍節度使浙江東西
等道觀察處置營田招討淮南四面行營安撫兩浙鹽
鐵制置發運等使開府儀同三司檢校太師守侍中兼
中書令持節都督杭越等州諸軍事守杭越等州刺史
上柱國越王食邑一萬戶食實封六千戶錢鏐大昴流
精維嵩孕祉萃東南秀異之氣鍾文武英畧之姿竊然
不羣卓爾斯在自總戎三紀作奠兩藩崇名輝於廟堂
茂績冊於盟府處受賑執膳之寄服貂璫犀道之榮行
既超人勲無任已勝殘務理經遠詢謀不恃貴以專刑

不務功而驕志深厚廓公侯之度剛明執忠孝之規威
加敵國而愈謙化被鄰封而垂訓以一當千之銳卒勇
且知方育幼養老之編民恭而好禮負戡難濟時之術
蘊天資神授之機設燎延賢築壇禮士詩盈篋笈傳癖
橫經比飯均羹席上盡雕龍之客投醪散廡營中皆搏
虎之人勁節貫於霜雪至誠格於神祇頃者浙人蟻市
稱霸蛟雷振妖爾則統仗順之師整爭先之旅颺馳勇
敢冰泮渠魁書於鼎彝煥若縑素近則淮夷作孽僉儉
無君拒抗王師邀絕貢賦竊據州邑斷絕梯航先皇帝

方軌畢至之時莫展號弓之慕於茲羣后秉趨迎之禮
申執幣之儀神人共憤其侵乘華夏爭誅其干犯爾則
率義兵以疾討統王師而急征期紛巨盜之骨必堪元
兇之顛是用金鑾昭德彤弓報功明國法之是彰示王
師之非濫委麟符而出征戴驚冠而登祭愼而修之克
有終也今遣使臣中散大夫右散騎常侍上柱國賜金
紫魚袋王矩副使朝議郎守尚書司勳郎中上柱國賜
緋魚袋裴筠持節冊爾爲吳王於戲加王爵之極號授
封建之殊名天鑑孔昭則俾予永契魚水盟踐如日則

俾爾益繁子孫往盡乃心服我徵命

唐昭宣帝勅實封武肅王爲吳王竹

冊文

中書侍郎平章事臣楊陟宣命

中書令臣封舜卿行文

鴻臚

謹案全唐文載李懌行錢鏐徙封吳王冊與此

文迥異

維開平三年己巳八月朔十有二日辛亥皇帝制曰集非常之事必有非常之才建第一之功必居第一之位朕膺圖受命負展開階未嘗以真太尉之官輕於擬議

大司馬之職易於簡求蓋由其爵尊其任重不有英佐孰當異恩啟聖匡運同德功臣淮南鎮海鎮東等軍節度使淮南浙江東西等道管內觀察處置淮南鎮四面都統營田安撫兼兩浙鹽鐵制置發運等使開府儀同三司檢校太師兼中書令杭越等州大都督府長史上柱國吳越王食邑一萬五千戶食實封一千戶錢鏐海嶽騰英星雲誕秀契君臣咸一之德有文武兼備之才宣慈惠和忠正廉毅敦詩說禮樹百行於藩籬去暴除奸敵萬人於幃幄弼於興運明乃嘉謨頃屬淮夷不賓

王化自爾益封吳會兼鎮廣陵追擒每盡於隻輪覆溺
連收其巨艦復聞奸宄屢擾巡封謂天蓋高若水可恃
爾又橫戈憤排獨力支梧妙運神機又大殲戎醜元雲
陣起雄風驅下瀨之師白露圍開沴氣散常州之化再
安生聚重復土疆薛公之三刺咸明漢主之一奇斯在
況早攀鱗翼備見肺腸同德同心二紀密參於締構惟
忠惟孝四方咸則於儀刑苟非劇恩何以加賞是用鏤
於彝鼎冊以輅車擬呂望之尊崇正列侯之貴重仍加
眞食復寵兼官式是獎酌日旌忠烈於戲進以正大易

訓所以經邦愼厥始終書言用之居位勉思遵守克荷
寵靈服余訓辭錫爾繁祉可守太尉加實封二百戶餘
並如故

梁太祖授武肅王
守太尉加實封制

詔曰惟辟懸爵以賞功乃申異數惟臣盡誠以報國克
廣嘉猷故書詔特禮於汾陽而酬庸宜頒於漢室顧予
微渺實賴元勲咨爾吳越國王錢鏐挺命世之才屬艱
難之運仗義以對天下望若雲霓應天以服人心勢猶
破竹妙畧在孫吳之右策功居霍衛之先忠有可嘉禮
無不腆自今書詔惟銜所封爵土無得書名祇服天休

益孚爾志

梁末帝賜武肅王書詔不名詔

鴻臚

謹案詔後爲龍德元年十月十五日

皇帝若曰在天成象拱辰分將相之星惟帝念功啟土
列侯王之國朕所以法昊穹而光宅稽典禮以疏封而
況世著大勲時推令器探寶符而嗣位仗金鉞以宣威
羽翊天朝藩籬東夏宜列諸侯之上特隆一字之封簡
自朕心協於輿論咨爾保邦宣化忠正翊戴功臣起復
鎮國大將軍右金吾衛上將軍員外置同正員檢校太
師兼中書令杭州越州大都督充鎮海鎮東等軍節度

浙江東西等道管內觀察處置兼兩浙鹽鐵制置發運
營田等使上柱國吳越國王食邑一萬七千戶食實封
四千戶錢宏佐爲時之瑞命世而生負經文緯武之才
蘊開物成務之志英華發外精義入神亞夫繼社稷之
勲顧榮擅東南之美眷言祖考志奉國朝清吳越之士
疆執桓文之弓矢天資厥德代有其人荷基構以克家
事梯航而述職殊庸斯在信史有光是舉彝章爰行盛
典土茅符節方推翼世之賢黻冕輅車更重策勲之禮
斯爲異數允屬眞王今遣光祿大夫檢校司徒行太子

賓客上柱國太原縣開國男食邑三百戶王玟副使正
議大夫尙書吏部郎中柱國賜紫金魚袋趙熙等持節
備禮冊爾爲吳越國王於戲周寵元臣賜履錫命漢封
異姓八國始王指河嶽以誓功俾子孫而襲爵爾纘服
舊業稽考前文勿忘必復之言更廣無窮之祚懋昭前
烈爾惟欽哉天福八年癸卯十月丙午朔六日辛亥勅

晉高祖勅賜忠獻
王錢宏佐玉冊

檢校太師兼中書令內使右僕射兼中書侍郎平章
事王凝宣奉

鴻墀

謹案以上吳越冊文四篇從錢氏世譜補錄

全唐文紀事

卷十七

六

全唐文紀事卷十七終